

ادبیات عمومی و مجریه

هفته‌لق سیاسی، ادبی و علمی غزته‌در.

جلد : ۱

سنه : ۱ ۱۹ ربیع الاول ۱۳۳۵ جمعه ایرتسی ۳۱ کانون اول ۱۳۳۲ نوسرو ۱۱

نورعینم افندم حامدم نخبه ۲۱ کانون اول سنه ۱۹۱۶

بورایه کله‌لی سکا نیچون مکتوب یازمدم . نیچون یازمدم . بیلیمورم . غالباً کندیمی شمدی بیلیمکه باشلادیغمدن دولایی ! برمدتدنبری بوراده سنکه برابرم . اشتغال ، توغلم سنکه ! «فینتن» بوراده ، مطالعه ایتدم ، حالا او قویورم ، او قومقلا بیتمز بر کتاب ! کتابه کائنات کی . کتابک سامی ، هوای نسیمی ، بهاری ، شتایی ، قصوری ، نقصانی وار ! کتابه طبیعت کی . فکری صورتدیگ بو کتابکه داثر هرکس کی بنده بر ایکی کله سویلیه حکم .

اثریکک تیاتروییه نسبتی پک آز . لوندریه عائدیتی ده پک جوق دکل . کزیده شاعر شیخ غالبک باشلارکن یری کوکی بربرینه قاتان حسن وعشق مقدمه قیامت نمونک بردوام متکاملی ، ویاخود سراسر ونهایت درجه لیزیک بو کتاب نفی نک بر بیوک قصیده سندر ، دهانک بر نظریه سی . Berne سفارته کلان غزته لرك ایچنده او قویوب تکمیلنه وقت بوله مندیغم جناب شهاب الدین بکک مطالعه سیده ندیمک - قلبک تشریح طی احراری مستثنا - دلربا بر غزلی ! اوزرنده قیامت لر قوپان بر دکزک دالغه لری فینتنی داوالاجیرونک بولندیغی واپورک کوکرتیه سنه آتیور . امواج پیانی رسی حادثات اره سنده مجرای امله بو قدر موافق و مصادف بو دالغه غالباً آغوش عاشقانه دن ده آ زخشین ایش که واپورک اوزرینه براقیر براقز داوالاجیروییه دوغری قوشه رق «ایشی» صوریور . معلومیا . اوسترا لیا ده کی قوجه سنی اولدیرمک ایشی . فینتنی بو دریای بی انتهای متموجک ایچندن ایصالیه رق چیقمش ظن ایدیوردم . صیرصیقلام دیورسک . اوله من . کیجه لری قعرندن نبعان ایده رک دکزلرده کزن خیال ، ویا سماندن ییلدیزلریله اینه رک دکزه کیرن لیل ایصالمز .

شکسیر ، و یقتور هوغو ، سن تیاترو پیه سلریک زده بر قنبور ، برجوجه ، نواقص و یازواند خلقت ، منکسر و منقرض جسملر ایچنده فریاد ایدر روحلر تصویر ایدیورسکن . فقط اونلرک کده عدم موفقیت خلقت اولان بو مستثنالر آز . سنک کنده جوق ، آهنگ عمومی طبیعتی ، وصحت طبیعی خلقتی اخلاص ایدن بو مستثنالرک کثرتی جهتیله ، اثریکک بعض یرلری تیاترولقدن چیقارق .

آمریقاده دین و ایمان

آمریقانك كشی اوزرینه اسپانیول ، انكلیز ، فلمنكلی ، فرانسز كبی برطاقم أوروبا ملتیرینه منسوب مهاجرینك اوراده یكی جمعیتلر تشکیل ایتلری ، الحق ، پك مهم بر تجربه اجتماعی در وهر نقطه نظر دن بو تجربه بزتركلر ایچون شایان استفاده در . عنعنه سنه ، اساسنه ، منشأنه قارشی قیام حالنده بولنان بر جمعیت نوینده عجبانه کی حسیات و اعتیادات قالور ، نه کیلری زائل اولیور ؟ ایشته بر مسئله معضله !

برجدیده یرلشن انكلیز واسپانیوللر ، درجنك اول ، قدیم طرز حکومتلری بیقمشله اصول مطلقیت ، حکمدار ، استبداد ، عدم حریت ، عدم مساوات کی أوروبا تاریخنه خاص اولان مؤسسات زیروزبر اولمش . فقط دین و ایمان قالمش ! حتی تکامل بیله ایتمش . دیمك اولیور که برکیت اجتماعی و تاریخی اولق اوزره دین پك مهم بر شیدر . و علی العجله ترك ایمان ایدن (تاریخ ناشناسلرك) ظن ایتدیکی کی شایان اهل مواددن دكلدر . شو نقطه بی کمال دقتله خاطر منرده طوته لم و ترقیات آتیته منرده آنی اونوتمیه لم .

حکومات متحده آمریقانك رسمی دینی یوقدر . فهده رال قانون اساسینك آلتنجی ماده سی و برنجی ذیلی موجبنجه حکومت دینه قارشی اجنبیدر . لهنده ده ، علیهنده ده دكلدر کی ظن اولنور . شوقدر وار که بز بوراده آمریقانك بر دین رسمی اولدیغی - کمال جسارتله - ادعا ایده جکز . نصرانیت آمریقانك مذهب رسمیسیدر . چونکه آمریقا نفس الامرده دینداردر . و بوندن بشقه بر حال وجدانی طایماز . حکومت اسلامیة نك قانون غیرمکتوب اساسینده دین رسمی قید اولمادیغی و فقط شریعت احمدیه مذهب عام اولدیغی کی آمریقانك حقوق غیر مکتوبه سنجده ده خرسستیانلق اساسدر . بلکه ده دین رسمی اولق ماهیتندن بالاتر بر موقع علویده در . یاره لرك اوستنده بیله « الله اعتقاد ایدرز . » جمله سی کوریلور . آمریقاده - عمومیتی اعتباریله - دین ایله دولت بر برینك ایشنه قارشماز . ایشته بوده أوروبا ایله آمریقا آره سنده کی فرقلردن بریدر . أوروبا نك تاریخی اشغال ایدن وقوعات و محارباتك نصفی ، [برایس] ه نظراً ، روما ایمپراطورلنی زماننده کی اختلافاتدن بيسمارك ایجاد ایتدیکی [قواتور قائف] ه قدر ، دین یوزندن سرزده ظهور اولمشدر .

آمریقاده متفوق خرسستیان کلیسایی یوقدر . کلیسالر بیننده تفوق متصور دكلدر . فقط مذاهب غیر خرسستیانیه ظن اولوندینی درجه ده مظهر مسامحه اوله ماز . [مورمون] دنیلن و تعدد زوجات اربابی اولان خرسستیانلر بیله دوچار ظلم و تعدی اولور . [آتی سه میتیزم] ك آمریقاده ایلریله می ظن ایدرم که اغنیای یهودك اهمیتلی بر موقعده بولمسننددر .

وقتیله بر طاقم مذاهب خرسستیانیه ، مختلف آمریقا حکومتانده ، بر ماهیت رسمییه بی حائز ایشلر ؛ لکن بو ، یواش یواش زائل اولمش .

جناب باری به اعتقاد و ایمان آمریقا قوانیننجه هان هان فرضدر . فقط صورت ایمان و تجیل هرکسك وجدانه عائد بر مسئله اولدیغندن بو بابده پك اوقدر مداخله یوقدر . کلیسایه قارشی حرمتسلك جائز دكلدر . مختلف حکومتلرك قوانیننده غریب غریب مواد کوریلور . آلتی حکومت جنوبیه الله معتقد اولیان کیمسه بی مراسمدن خارج براقیر . دیگر آلتی حکومت الله و آخرته اینانعیانلری بعض حقوق انتخابیه دن محروم اتمکده در . ایکی حکومت قوانیننجه بوکیلر حق ایمان

(یمین) وشهادتدن استفاده ایدمهزلر . آمریقاده حریت مذهبییه ، متنوع خرستیان کلیسالرینك حق مساواتدن استفاده لری دیمکدر .

حریت مذهبییه بعضی حکوماتده قیود وشروطه تابع طوتلشدر . [مورمون] مذهبی ادعا ایدله یکنه کوره ماهیت دینه سندن طولایی دکل ، شکل اجتماعی مناسبتیه ظلمه اوغرامشدر .
مذاهب ومختلف کلیسار اداره داخلیه لری نقطه نظرندن سربستی ومختاریت تامه یه مظهردرلره اوروپادن دهها زیاده حریت مالکدرلر .

آمریقایلر، دینی احتیاجات عملیه لریه اویدرمشلردر . آنك ایچوندرکه دین ایله دنیا بتون بتون آیرلشدر . ذاتاً حریت مساعی و معاشرتی پامال ، قیود و شروطی ایله معاملاتنی تضییق ایدمک بر دین آمریقاده دیکیش طوتدیرمه مازدی .

آمریقالی ، فیلسوف وتصوف پرست اولدیغندن اوزون مناقشاتنه محل ویرمیان بعضی عقائده محتاجدر . بو اعتبار ایله ده دین بر جدیدده مشتری بولیور .

آمریقانلر فرط عصیت نتیجه سی اوله جق که بعضاً دینلرندن ده بیقیورلر . حریفك بری (حاشا) الله، عیسی، ایوب، یوحنا ویاخود یحیی اولدیغنی ادعا ایله اطرافنه بر چوق خلق طوپلیور . اوزون مقیاسده طولاندریجیلق اندیور . حکومت بوکا هیچ بر شیء دیمور . [مورمون] دنیلن (صوك كونلر اولیاسی = Latter days saints) تقریباً اوچ یوز بیک فرده مالک دین بویله نوظهور مذاهدندر . داوی Dowie اسمنده بر هرزه وکیل حقیقه داهیانیه بر طولاندریجیلق ارتکاب ایله (چیئون سیتی Zion) نامنده بر شهر انشا ایتمش ، اورایه اون بیک بدلا طوپلامش ، تبعه سندن عشر آلمشدر . بو آدم فن طی پامال ایدرک خسته لری ای ایتمش ، (حاشا) حضرت ایوب اولدیغنی ایلری یه سورمش ، صنایع وفابریقه ایشلری ایله ده اوغراشمش ، صوکنده قانوناً افلاس بیله ایتمش ایسه ده ینه قورتلشدر . ژول اورمك De San Francisco au Canada سنده بو سرسری دهاشك مناقبی و [مورمون] مذهبك صورت ظهوری حقنده پك مراق آور صحیفه لر اوقونه بیلیر .

آمریقاده رئیس الاسلام میستر [محمد آلکساندر وهب] ده آمریقایلرک موجودومؤسس مذاهدن بیدققرنی وبوندن بالاستفاده شریعت اسلامیه بی یکی دنیاده نشر ایتک قابل اولدیغنی بکاسویلیوردی . تکرار ایدم : آمریقاده حکومت دینه مداخله ایتز . چونکه اوراده حکومتك بشقه بر ماهیتی واردر . اساس ومنشای اوروپاده اولدیغنی کبی تاریخی ، عائلوی ودینی اولدیغندن کائن بر بر ضابطه شرکتیدر . بناءً علیه آمریقالی حکومتك دینه امکان مداخله سنی عقلنه بیله کتیرمز . بر تیمور یولی شرکتی نصل بو کبی ایشلره اوغراشمازسه حکومت ده باطنیاته متعلق اموره قاریشمازه دینك اهمیت سیاسیه سی اولدیغندن احتراصاتی ده دعوت ایتز . آنك ایچوندرکه آمریقاده خرستیانلق ده روحانی ، دهها علوی و اخلاقیدر . اخلاق ایله دین توأمدر . حکومت دینه احنبی اولدیغنی حالده نه دینداردر . مثلاً پارلمنتو ، [قونگره] آچیلدیغنده ، واعظ بر دعا اوقور . رئیس حکومت حرمن موسمنك نهایتنده جناب حقه برشکر اداسی ایچون دعا ایدلسنی امر ایدر . والیر آوه صره دعا و شکران کونلری تعیینی ضمننده امر و بیاننامه لر بیله اصدار ایدرلر . ۱۸۶۳ حزیراننده ، شورای امت ، حرب مدنی یجرانی مناسبتیه بر دعا کونی تعیین ایتشدی . اردو ودونماده آیین روحانی اجرا اولنور . حکومت متعددده نام الهییه حقارت ایدنلر ، بازار کونی ایش کورنلر جزالندیریلیر . حکومت مصرفیه اداره ایدیلن مکاتبده کتاب مقدس اوقونور اوتلرده ، باش گوشه ده ، بر انجیل بولورسکز .

نتیجه کلام : نصرانیت آمریقا ده دین رسمی موقعنك بالاسنده در و دین عمومی و ملیدر .
 دینك ، جنوبی قاناداده اولدیگی کی ، سیاستده پك اوقدر نفوذی حس ایدلز . اولجه قاتولیک
 کلیسای اجرای نفوذ و تأثیر ایش ایه ده رهبان ، الان ، بویکی مداخلاتدن توقی ایدیورلر .
 قاناداده ایسه قاتولیک مذهبی قانوندن و حکومتدن دها قوتلیدر .
 حکومت دیندن ممنوند و بقاسنی ایستهر . بر قاج حکومتده مذهب انضباط آجته سی تلقی
 اولونمشدر و بوحیثیت ایله اوزالرده دیندن استفاده ایدیلر .
 بر جدوله نظراً آمریقا ده مختلف کلیسارک رئیس عائله ویا بللی باشلی همشهری اولقی اوزره
 اعضای بروجه آتیدر :

روما قاتولیکی	۱۰,۸۷۹,۹۳۰
مەئودیسٹ (۱۷ سبط)	۶,۵۵۱,۸۹۱
بایپتست (۱۶ سبط)	۵,۲۴۱,۸۴۱
لوتریان (۲۳ سبط)	۱,۹۵۷,۴۳۳
پره زبیته ریان (۱۲ سبط)	۱,۷۷۱,۷۸۷
حضرت عیسی نك شا کردانی	۱,۲۶۴,۷۵۸
آپسکوپه لیان	۸۳۷,۰۷۳
قونفره غاشیونالیست	۶۶۴,۹۲۳
یهودی	۱۴۳,۰۰۰

یهودی لرك عنعنات قدیمه یه وقشره مراعاتکار اولانلرندن ماعدا رفورمه لری یعنی اصلاحات
 کورمشلری ده واردر . عموم یهودیلرك عددی ایکی ملیونه یاقیندر .
 آمریقا ده روحانیونك عددی ۱۵۶,۱۰۷ در .
 معابدك قیمتی ۱,۲۵۷,۵۷۵,۸۶۷ دولاردر .
 آمریقانك کلیسا تشکیلاتی انکلیز کلیسا تنسیقاتی اوزرینه مستند ایه ده اوروپادن بالا خزه کلن
 روما قاتولیکی ، لوتریان ، یهودی مهاجرلری بو تشکیلاتی جزئیجه تعدیل ایشلردر .
 آرهلرنده بیوک بر فرق اولیان مختلف پروتستان اسباطنك برلشمسی ممکن ایش ، شو قدر
 وارکه بعض رؤسا و واعظلرك منافع ذاتیه سی بویکا مغایر اولدیغندن شمذیلک شو پروژهنك موقع
 اجرایه وضعی اهل ایدیورمش .
 واعظلرك و راهبلرك آمریقا ده موقع اجتماعی بیوکدر . اوروپادن زیاده حرمت و رعایت
 مظهردرلر . سوزلری دیکه نیر . معلوماتلری ده زیاده در . اللری اوپولور .
 کلیسارک وارداتی هر دم تزیاده در . بیوک شهرلرده پره زبیته ریان و قونفره غاشیونالیست
 واعظلری سنوی ۸ الی ۱۵ بیک ، آپسکوپه لیانلر ۳۳۰۰ الی ۱۲۵۰۰ دولار آلیرلر . قاتولیک
 باش پاپاسلری بکار اولدقلرندن معاشلری اوچ ایله بش بیک ، مەئودیسٹ آپسکوپوسلرك بش بیک
 دولار و خراجراه آلیرلر . طشره لرده و کویلرده معاشات بالطبع دها آزدر . واعظ و راهبلرك
 علی العاده اقامتگاهلری مجانیدر . شمندوفرده باد هوا کزرلر . و دکانجیلر کندیلرینه تنزیلات یاپارلر .
 بونلر پولتیقه یه قارشمدقه نائل حرمت اولورلر . بونك ایچوندركه بویاقینلرده سیاسیات کندی
 دائره اشتغالاتلرندن اوزا قدر . شو صوک زمانلرده یاپاسلرك ex cathedra یعنی لایخطیلک مقامندن
 سانانده بولونوب امور غیر دینییه مداخله ایتدکلری یوقدر .

کلیسای حکومتی مربوط به اولیای اربابی می‌نویسند. بوعدم مربوط به حریت و مختاریت داخلی ده استلزام ایدر. كذلك هیچ بر مذهب رتبه تفوقی اجراز ایتسینی ده ایسته من، چونکه، بوحالده بر چوق منافسات و مناقشاتی جلب ایده جکندن قورقار. دین، بوکون، ترقیده بیله اولسه، آمریقاده کنیخی محافظه ایدور. خرسیتیانلقی (انکلتزه مستثنا اولق اوزره) آمریقاده اوروپادن دها یوکسک بر موقعه در.

کلیسای بیننده رقابت آنجق اعضا قیدی و پاره تحصیل اچوندور. بر عاقله نك ارکان مختلفه سی متنوع کلیسای مربوط بولنه بیلیر. دعا و عبادت ده آمریقاده برایش تلقی ایدلایکندن کلیسای عادی تجار کی رقابت قویولور. مثلاً کلیسای اوزرنده «ایش آدملی اچون چابوق عبادت» لوحه سی علی الا کثر کوریلور. ایکی مذهبک بریده کلیسای توحید ایتدکلی ویا کرسیلرینی دکشیدر دکلی ده واقع اولور.

بر چوق مذهب ارکان روحانیه سنک مشترک قونغر عهده ایتدکلی ده واردر. میسیونرلک وفی سبیل العیسی دنیایی کز مک آمریقاده پک ایلریشدر. بر طاقم ایش آدملی کچینه بیلک وحتی زنکین اولق اچون صافدرون ارباب غنائک و طول وقوجه قاریلرک حسیات دینه لرندن استفاده ایدرلر. بیکده، آرنالود کوبنده، باغچه جکده، مرزیفونده، خرپونده، سیواسده کی مؤسسات هپ بو سایه ده وجوده کلشدر.

کتاب مقدس شرکت ویا شرکتلرینک ده آمریقاده اهمیت و پروپاگاندا لری بیو کدر. آمریقا اقالیمده منبیتدن فوق العاده مجتنب، یمک و خصوصیه اچمکده اعتداله صوک درجه ده رعایتکار [پوریتن] لرده واردر. بونلر بعضاً ملککی افراطه ده کتوررلر. بوسطه مربوط اولیوبده محارمین اجتناب ایدنلرده پک چوقدر. از آن جله رئیس حاضر حکومت میستر [دوودروو ویلسون] حضرتلرینک زماننده [وایت هاؤز] ه بر قطره کثول داخل اولامشدر.

بالخاصه بیوک شهرلرده دینی ترک ایدن ویا مراسم واداب دینه به مراعاتکار اولیانلره ده تصادف اولور. فقط بونلر فرانسه ده اولدینی کی دینه بیوک عداوت بسله مزلر و بناء علیه بیوک ردالتلر چیقماز. دینسزلکک ظهور ویا ترقیسی ایله دین قدر واهیمتینی غائب ایتمه مشدر. بعض یرلرده دین حریت فکریه به بر درجه به قدر مانع اولور. مثلاً بر طاقم محالده داروینک منشأ انسان نظریه سنک تدقیقی واعظلر اچون ممنوعدر. آمریقاده بر جمعیت دینه واردر. دین ارکانی اجتماع ایدر. بری برینی طانیر. یکی کلنلر اوراده احبا و اودا بولور. ضعیفلر بوندن مستفید اولورلر. ادبیات و بدیعاته بو محفلر پک مساعددر. مشترکاً وادب اعتدال دائره سنده اکلنجه لرترب اولور. زنکین، فقیر، اورالرده بر برینه دها زیاده یا قلاشیر. بر اخوت مشترکه حاصل اولور. خصوصیه کنج لرک فنا طریق لره صابنامسی تأمین ایدیلیر. اکثریتله آیده بر اکلنجه لر یا بیلیر. زنکین کلیسای حاکم اجتماع صالونلری واردر و اوراده رقص ده ایدیلیر مش.

«کنج کیمسه لرک خرسیتیان جمعیتی» صوک درجه مهم و بیوک بر هیئتدر. دنیانک هریرنده شعبه لری واردر. بو سایه ده شبان هم اخلاق حسنه لرینی محافظه ایدرلر، هم ده اوتده بریده دولانا جق لرینه یاته جق، اوطوره جق، اکلنجه ک بر مرکز بولورلر.

آمریقا و خرسیتیان مملکتلری اچون پک ایی اولان Y. M. C. A. حرفلری ایله افاده اولونان جمعیت بزده ده شعبه آجدی و اسلامدن اعضا قید ایدور. نصارا اچون ایی اولان بوقولویلر بزم صفت اسلامی من ایله ائتلاف قبول ایتز و شبانزه انکلیزجه بی قولایجه تحصیل کی بعض منافع

بیله تأمین ایتسه غایه لر هنر دن آنلری تبعید ایدم جکندن انجام کار پک ضرر لی چیقارز . بزم ایچون یاپیله حق بر شی^۲ وارسه او جمعیتی مشق اتخاذا ایدرک اوطرزده ملی و دینی قلوبلر تشکیل ایتکدر . دین نه شکله آمریقانینک روحنه حاکمدر ؟ بونک حیات مادیده کی تظاهراتی نه در ؟ اوراده مذهب ایلریله یه جکمی ؟ یوقسه لاقیدی زیاده لشیورمی ؟ بو جهتلری کسیرمک کوچجه در . و بونلرک تدقیق صدد هنر دن خارجدر . یالکیز آمریقانک دیندارلنی و بونک تدقیق بز ترکار ایچون شایان استفاده در . مختلف مذاهب هپ برلکده نصل اداره اولنور ؟ حکومت دیندن مستقل اوله بیلیرمی ؟ دین قابل احما و اطفا میدر ؟ دین قوتندن نصل استفاده ایدیلیر ؟ ایشه برطاقم مسئله که آمریقانک تدقیق اجتماعیات و روحیات بز آنلرک جوانی ویره جکدر . [*]

مهرول نوری

سیاسیات

کیزی معااهده لر

کیزی معااهده لرک تاریخی ، هر حالده تاریخ سیاسیه قدر قدیم اولقله برابر ، وقایع مضبوطه اعتباریله اونک قدر زنکین دکدر . کیزی شیر ، خرافاتک منشأ مجهولی اولدجه ، تاریخه تمامیه مال اوله مازلر . بونکه برابر ، واضح و معلوم اولانلری آیری بر بحث اوله بیله جک قدر چوقدر . مدنیت قدیمه ، مذاکرات خفیه اصولنه پک آز مراجعت ایتمش کبیر : آتنه ایله روماده ، سفرا دوغروندن دوغرویه اهالی یه ویا سناطویه خطاب ایله ، تمثیل ایتدکلری ملتک و حکمدارک مطالبنی علناً مدافعه ایدرلردی ! بو عادت ، بعض محاذیر سیاسیه دن بوس بوتون خالی دکلسه ده ، حکومت ایشلرینک بالذات اهالی طرفندن رؤیتی نظریه سیله پک توافق ایدیوردی . آتنه یه کیدن بر سفیر ، کرسی^۳ خطابه چیقارق بر معااهده ویا اتفاقنامه لهنده خلقک افکارینی جلب ایچون اولانجه بلاغتی صرف ایدردی . روماده ایسه (سناطو) یه ، یاخود (فوروم) ده ملتک حضورینه چیقارلردی ! معافیه روماتاریخنده مکمل بر دیپلوماسینک خطوط ابتدائیه سی ده واردی . ایالتلر فتحی ویا اداره سی وظائفندن بریله مکلف قونسوللر ، برطاقم کیزی وسائطه مراجعت ایدیورلردی ؛ سه زار ، بوکی مذاکره لرده تفرد ایتشدی . غول ممالکنی قوه عسکریه دن زیاده مرخصلرینک مهارتی سایه سنده انقیاد ایتدیرمشدی : بونلر ، قبائل آره سنده کی اختلافلردن پک ماهرانه استفاده ایتشلردی ؛ غولو آلر آچیق یوزکللی ، صاف آدملردی ؛ رومالیر ایسه جهانگیرک سیاستنک بتون انجه لکلرینه واقف دیلر . امپراطورلق ، پاپالوق و ایتالیان جمهوریتلرینک تشکیل ایتدیکی ادوار سیاست ، کیتدکجه شبه جزیره یی ، ماکیاوه لک وطنی اوله جق درجه ده کیزی ایشلرک یکانه اقلیمی حاله کتیرمشدی .

فقط باربارلرک استیلا سیله اورتاده نه سیاست ، نه مذاکره قالدی ؛ معااهده لر ، بوگونکی ایتالیا ایله رومانیانک یاپدقلری کی ، بلاتردد بیرتیلیوردی : قرون وسطانک دره بکلک عالمی ده مذاکره یه تنزل ایتزدی . بو قارغاشه لق ایچنده یالکیز کلیسا سیاستک محفظه سی اوله رق قالمشدی . او زمانک پاپالری آوروپانک اک بیوک دیپلوماتلری مثابه سنده ایدی . قوللان دقلری ایسه ، سیاست خفیه ایدی . برازده سوق منفعتله ضعیفای حمایه ایدرلردی .

[*] معلومات ایچون لورد [برایس] ک اثرینه مراجعت ایدلشددر . آمریقایه دائر سائر مقالاتم [اقدام] ایله نشر اولونمقده در .